欽 定 全 唐

文

和推誠不疑為我與國當會昌之際自屬天災人罕粒食行隣境俗慕華風立國以來當効臣節代為甥舅每歲通荒聲教所加冊命成及而況回鶻北方之強代濟其烈惠 皇帝若曰我國家誕膺天命光宅中土君臨九有包舉 欽定全唐文卷八十二 登寶祚每軫素懷爰發使臣訪其後嗣軺車旣出審使爰 宣宗四 下離散牙帳為墟地多種落所侵國甚黍離之歎朕 **册四鹘可汗文**

潯持節備禮册命為九姓回鶻監禄登里曪汨没密施 必復華夏屏衛理宜長存旣將還定舊封式承墜緒克 存再报之心願嗣天驕載歸地著發使請命誠解可哀 欽定全唐文人卷八十二宣宗 來咨爾回鶻可汗挺此雄村生於貴族能收旣絕之儘常 於海外爾乃堅誠勵節行乎域中所以公侯子孫道 校尚書工部即中兼國子禮記博士御史賜維魚袋李 御史中丞上柱國賜紫金魚袋王端章副使臣朝議 仁善隣國家之實與滅繼絕王者之宜況朕布德滂仁 允膺鴻休今遣使臣朝議郎檢校秘書監兼衛尉

於休 恢復故疆宜克已於聯林長歸心於魏闕無怠爾志永至 俱錄毗你懷建可汗爾其服我恩榮膺兹位號勉修前 維大中十三年歲次己卯八月甲申朔十三日景申皇帝 若曰眷彼羣生必有司收續承丕構允屬元良故命嗣惟 賢立長則順夏禹惟公於聖子漢文終守其成規兹乃萬 國攸同百王不易之道也朕以菲薄獲奉宗桃十有四 大二人 Sin sin 二、夫二一宣宗 臻至理惟天示譴降疚於躬藥石無功彌留斯迫歷數 命皇太子即位册文

金気白厚文、光ンゴニ 云在天命有歸咨爾皇太子朕之元子幼有聖質孝敬温 慈惠欽和可以撫黎庶惟道罔佛惟賢必親實爾生知豈 禮部尚書平章事蕭縣奉册即皇帝位邦家以寧統緒以 禮抱義是用命爾防於元后宜令攝中書令中書侍即兼 之於戲戒之 正惟嚴恭祗畏可以事天地惟寬明常哲可以御臣下惟 文宏博慎敏稟天地之仁厚合日月之貞明承訓部方東 埃訓誨者於典册文事無詞懋昭耿光紹休前駕於戲敬 即位赦文

欽定全唐文人卷八十二宣宗 門下執大象者導陰陽之和帝率土者茂生植之化粤自 寧輸發尚急流移未復冤滯猶多刑獄未平茲詐斯起進 天分四時必始發生之德帝臨九有是先蕩滌之恩故雷 數心載因大慶之晨式舉惟新之令可大赦天下 夙夜祗勤庶臻於理永惟黎元之因賦役之繁干戈未 朕以眇身獲篡丕業上承宗社之眷佑下繁生靈之安 無度淫巧競生思與蠲除俾從開泰將以導迎和氣咸 作而萬物滋榮慶澤行而兆人悅服皇王之典今古所 大中改元南郊赦文

联夙夜祗戴訏謀經紀尚懼德教之未宣黎元之未泰貪未豐登兵革偃息物不疵屬人無天亡發揚氤氲敷祐寡 虐之害政朋邪之敗風水念因窮思臻富庶每興赤子之 勞深企懷朕荷先帝之眷求奉祖宗之成憲獲撫萬國統燭之融明惠中國以級四方欽上元而育兆庶所謂至德 欺不知黄屋之尊爰因首正克舉舜典告受命之纂緒 夷戎狄之津來鳥獸草木之咸若真宰潜運元功敢光麥 和三靈就嚴不構惕勵神器實賴臭官嘉饗神祇降休聲 軒具監於唐虞側身皇階虚己大位懸金鑑之朗耀致

未發覺已結正未結正繫囚見徒常赦所不原者咸赦除 年正月十七日昧爽已前大辟罪已下罪無輕重已發管 使維新可大赦天下改會昌七年為大中元年自大中元 之唯犯十惡五逆已上及故殺人並不在免限官典犯 便人者必行件覃在有之思以順發生之氣與之更始咸 欽定全害文 卷八十二宣宗 降官量移近處已經量移者更與量移如已至刺史者準)贓兼情涉巨蠹及持仗行劫縱不殺人並不在免限左 既達感慶良深是用肆告恤刑改元建號利時者不廢 配之盛儀柴燎升聞馨香殷薦奉祀昭答百神來享精 **7**5]

容者更不在量移及放還之限流貶人如己亡殁家口欲 資者五品已上中書門下速與處分六品已下依常調選 刺史月限例處分諸色官未復資者有司條疏聞奏如復 **敘者量才錄用并僧尼道士移隸者亦與放還其情狀難** 引用者並與進改流人及降死從流者與移近地如有收 一憂去任服闋日亦與量移如有親故在上都任所司陳 禮勃後流貶及引決妄稱冤人等并重推覆囚徒並不 便與處分不必更待本州府申請從九月二十二日降 例 别勃因責授降資正員官及曾因狼累停免未經

諸色流贬人元動内云雖逢恩赦不在量移限者自去年 還及須歸葬者聽隨所便如緣葬事幼弱饑窮不能自濟 者如巴亡殁各還本官亡官失爵狼累禁錮者並從洗滌 者委所在長吏量給棺棚優恤發遣左降官流人先有官 委中書門下量才進擬勿令精滯國家與吐蕃舅甥之 參官及諸色科史先停替及以病解免并終制未授官者 三千里外者更與量移五百里情狀難容者不在此限常 五 」、 一直宗 月五日赦文後已經量移者五千里外更與量移千里 此無虞自今後邊上不得受納投降人并擒捉生口誓

還念其辛勤須議存恤應緣迴鶻别徵集防戍人等宜 南霽雲子孫中未經甄獎者每家與一人正員官元和以 欽定全唐文、卷八十二 賬 寇尚慮窺邊諸道防秋固是常例如或别有徵發久未放 來河朔節制以土地朝者各與其家一子正員官回鶻 太師晟太尉秀實司徒顏果鄉贈太師顏真鄉許遠張 吏當時聞奏如涉隱蔽必節級處分古者郎官出為邑 恤真免流亡自今已後所在時雨稍忽有傷農敢即 書門下節級量事賜物仍即具數聞奏歉诊頗甚已 山河熟銘鼎鼐恩延後裔義在勘人故尚父汾陽王 五 議 殘 贈 仰 巡

宰公卿外領郡符所以重親人之官急為政之本自澆風 始思厚時風軒墀近臣蓋備顧問如不周疾苦何以膺朕 次定全 唐之一卷八十二宣宗 得改移近者因循都不遵守雖諸州縣令或得三考兩府 撫字三載考績著在格言貞元元和頻有詔縣令五考方 縣令及縱曾任有敗累者並不在進擬限守宰親人職當 訪求自今已後諫議大夫給事中中書舍人未曾任刺 欲使救百姓之艱危通天下之利病不可得也朕為政之 與扇此道稍消頡頏清途便至顯貴理人之術未嘗經 内亦罕及二年以此字人望其成化轉書案贖寧免姦

第 申觀察使與觀察判官勘驗詣實申奏後因事考聚有不 久但因事發露合懲合獎並準元勅處分其合拔擢貶 奏聽進止其刺史委觀察使判官具考課聞奏雖去任已 如所奏觀察判官刺史録事參軍據人節級懲罰觀察使 第三等量加降點其受替後委刺史録事參軍比驗等 即不在此限其受替後量其在任課效作三等聞奏其在 令除授後一 欺道路有迎送之勞鄉里無蘇息之望自今以後刺史縣 金ググドラーラノニ 等委中書門下及吏曹優與處分第二等依資改轉 一例須滿三十六個月方得替換其責授遷擢

請託是啟倖門其諸州府縣令録事參軍吏部所注之官 道官吏料錢過開寡薄省司注提問不固解承乏之由其 請此外中書門下不得與進擬河東振武易定京西北等 人二三三三一大八二宣宗 軍勾當并舊給課料數額添給見錢在官無少尹即仰觀 新收闕官料錢戶部不用收管便令本府少尹與司録參 須前任曾有殊考不然課績尤異分明有據者方得論與替亦須具所替人罪犯及不勝任事狀間奏所舉之 判官與録事參軍同勾當使司輕不敢妄有借貸支用 則不拘 此限長吏舉薦縣令錄事參軍雖有近勒如涉

注擬之處即不在此限仍委中書門下準此處分京畿之奏請諸軍將非有殊功者不在奏兼州縣官限素非吏之者並不在奏州府縣官限縱有出身亦須去避稍近方 用虚街軍師論功或未摭實自今已後無正官及無出色入仕近者轉多內外官員無不填塞蓋因州府論請 支院判官參訪中書門下如違院官準本州官例處分諸 人京兆府今年夏青苗錢及元和十五年已後至會昌二 金万全屋ラー光ノコニ 如違本州官量加貶責長吏别議處分仍委所在鹽鐵 荆南數州或頻歲辛勤或遭惟歉沙須免租賦以慰

年終已前應有諸縣欠日掌閉並宜放免荆南管內應 盡水言此弊積有歲年爰因慶澤須使蠲改自今已後邊 貶責長吏别議處分仍從前應有此色欠負不問多少更 月糧米並須當時分付如依前剋折本判官本將並重 上兵士除本分差役外輒不得妄有科配春冬給衣及每 欽定全唐文人卷八十二宣宗 不防戎虜苦寒之地尤要撫綏如聞軍中小有所須舊 損農戶赦書下後新年夏隨地稅錢宜並放免塞上 得科校徵索所在鹽鐵度支院切加訪察申中書門 無科率或有逋欠必載簿書給衣散糧之時剋折略 置

設 任二 聍 如 刑 違 門下商量停罷續作條疏聞奏州府拆寺瓦木堆積 絕法或連坐則害平人自今已後但科犯茶鹽闕 極 風 其買茶羅鹽 條過有嚴酷 雨 院官與判官同議貶責推酤之例諸道權宜如 刑里間之内遂至無 續徵 所侵朽蠹將盡所在出賣雖有勒文百姓畏懼 投狀巡檢防護豈免勞人自今已後百姓要買者 納價錢州縣輒不得暴有校科私茶鹽雖 及經過食宿之處並不要勘問差役不 分抵罪連坐數家或沒入資財或身 聊豈有 疲人堪此陷穿宜令中 聞 要 所 次定全喜文人卷八十二宣宗 御史臺及所在度支鹽鐵院檢舉申中書門下如涉隱蔽 無人墾闢與其虚棄曷若濟人宜令所在長吏設法召募 有國有家捨此無急如聞州府之內皆有間田空長蒿 妨農為甚古者用人之力歲不過三日蓋為此也如聞 切時屋宇城壘不在修築限如違官吏並節級貶責仍令 方今就使農戶輕不得追擾遇忙時五月六月九月事 在修築動踰數月事非甚切所妨即多自今已後所在 御史及本院官並準前處分君以人為國人以食為 如要修理者任和僱諸色人役使仍須據時價給錢

置或鎮小力微不辨營備任量常平義倉栗充糧食種 據官中收市價輸納 本物所冀野無荒田災有儲備觀察使刺史起營田二年 所收營田苗子除給耕種人牛量事填補所借常平義倉 後據見穀為殿最泉重貨輕當今最甚此庶捐将莫不 耕農具仍各任本道自詳軍便條疏處分記申奏每年 每年收市之物 課勵耕種所收苗子以備水旱及當處軍糧其初 納租征 須從利便應天下百姓所出土貨幸是官 即所在州府具色目先下文帖指 不得一一徵納見錢切不得令所

官不 轅門或因類能權處右職軍中巴著勞續選眾又合甄 訪姦去邪尤繫胥吏若紀綱不漏上下相同雖損益懸於 軼輩流者並許待使到後選驗處分設法施禁固在長 有停解如聞或有自遠招收或因其投募人村武藝要 略亦在拔其幹能近門下商量停罷續作條疏聞奏近 納耗剩如達本判官録事參軍重加販責鹽鐵度支院 例勒停實乖至當其應隨使軍將及驍勇官健等有超 隨使人多冗食要職傾奪占位熟舊無依慮不均平 加檢舉亦準此處分諸道藩方牙門將校不獨資以 . 기계 14년

之義寵渥宜申文武庶官中外執事皆肅恭職任祗奉郊 勒赴選不得妄訴事故留在本司其案贖中或有過犯並 規宜委本司便與奏論特有選授仍與勾當依前本司驅 欽定全唐文 卷八十二 不用追理貴許自新以示宏貸磐石維城本支祚慶親賢 示勘懲其中如有才用智識昭然獨見自期展效建立事 功利百倍度支戶部鹽鐵三司吏人皆主錢穀去留之際 功或剔抄疵瑕或糾正案牘發明已往之咎條理將來之 切在類能若一 如守職多年無事可稱但循點自容者 一槩節以年勞眾職從何條舉必資獎誘明 一例準舊年限

欽定全唐文、卷八十二宣宗 後及二王三恪各與一子官其祠廟委所司量加修 后皇太后二等巴上親皇三等已上 惟資愛禮著事親屬當布澤之辰用覃睦族之慶太皇 物四十四内外文武見任及致仕官三品以上賜爵 四品已下加一階合入三品及五品欠考未敘者考 有才行者量與改官無官者與出身皇五等已上 百匹夾侍正衣進珪棒珪各賜物五十匹亞獻正衣 紋魯聖儒 風虞賓前典必須展敬允叶國章文宣 霈澤亞獻福王結終獻撫王紘等各 一親委中書門

品 孝弟之道王教所先哀慶之禮人倫所重常參官及諸 階諸親四等五等并諸色人陪位官五品已上加一 選 府長官父母見存未有官封者並量與五品致仕官及階 正月三日赦文處分應陪位皇五等已上親及太皇太 太后三等已上親三品已上賜爵一級四品已下 散官簡選日優與處分未有出身陪位者準會昌五年 巴下及白身並賜敷兩轉其前資及有出身各減 一賜爵一 如有官者量與進改如官已至五品已上即與五 一級五品已上加 階六品已下及前資常 偕六

膂寄重藩垣仰命追崇延思存殁用酬熟效豈怯寵私中 書門下及節度使帶平章事宜與一子正員八品官祖父 次定全善文、卷八十二宣宗 軍統軍威遠營鎮國軍等使皇城留守各與一子出身父 都防禦經略招討使及神策金吾六軍將軍大將軍上 品階父母亡殁未經追贈者量與追贈官及邑號義深心 母先亡残未經追贈者各與追贈禮儀使京兆尹各與 子正員九品官昭宣典册寅奉郊種宜普恩光以答公幹 母先亡殁各與追贈已經追贈者更與改贈節度使各與 子正員九品官東都留守度支鹽鐵觀察處置都團練 土

賜爵 選人與減 史臺三品巴上特加一 品者量減三考入五品者減兩考仍待考足日聽敘其 應 列衛爪牙言念勤勞宜頒慶賽神策六軍威遠營左右 下各賜熟三轉應從駕上郊廟者普恩之外三品已上 金グイトンララ 郊廟升壇升殿行事官普思之外中書門下尚書省御 **階內侍省及內坊官四品巴上各賜熟五轉五品** 城將士應緣大禮移仗宿衛御樓立仗等普恩上 級四品已下各加 選內行事官三品已 階四品已下各賜 一階白身賜敷兩轉禁營兵仗 一賜爵 階如合入 級四品巴 各

外三品巴上 物有差其神策將士應在京畿內諸縣者亦各有賜物應 緣大禮職掌行事官并修撰儀注及留守副留守守倉庫 官司效 琛費來朝梯航入貢藩方陳奏職業無虧或禁署策名或 卿等普恩之外三品已上賜爵一 客等各有賜物諸道知上都進奏院官在城者各賜勲 轉應緣大禮四方進表疏及賀正官各賜熟三轉翰林 定全唐丈人卷八十二宣宗 供奉并諸色直見任及前資并員外試官三品已上 用伴同沾渥各示加思鴻臚禮賓院應在城內蕃 思爵 級四品已下各加 級四品已下各加一階 **階仍準舊例** 重 賜

爵 室長掌座禮生賛者減一年勞無勞可減者便放出身崇 祗奉郊廟理宜優獎用洽恩華郊廟行事齋郎減二年勞 文館行事學生及蘇郎禮生番考已滿所司緣大禮卻遣 入行事各減一 月番者各賜熟兩轉飛龍閑麼官苑典引掌扇內園掌 專知儀制官各特加一階應緣祗奉供作官直司長上 州行綱考典兩縣者壽諸色番役當上在城并量留 級四品已下各加一階無官者賜敷兩轉掌養禮儀 栽接少府將作內作中尚武德軍內外弓箭庫等 選國子監學生陪位者賜熟一轉中書

手指書手流外行署等各賜敷兩轉立敬之本在敦於耆 典食胡食手宰手閉幕士御士醫士獸醫門僕藥僮御 次定と与し、失し十二宣宗 恤嶽瀆孕靈公侯列位助宣景化利及含生宜委本州 孫義夫節婦旌表門問終身勿事先已旌表者量加 門直長雜仗三衛七色引駕細行執扇角手弩手曠 使下白身及無品直司定額長上 八十巴上各賜絹兩匹仍委長吏齎帛就家宣賜孝子 勸俗之道莫先於節義天下百姓九十已上各賜絹 士天文觀生漏生典鼓典鐘工人樂人主衣主膳主 一雜匠巧兒黃衣長 酪

祭自會昌元年後放文及諸色條疏有不便於人者委 門下我國家披皇圖以立極執大象以升中容父嗣孫 前事相告言者以其罪罪之赦書日行五百里布告天 首復罪如初赦書有所不該者所司具條疏聞奏敢以 長吏備禮致祭皇王應期賢哲濟代式遵令德用達明誠 使聞知主者施行 山大川及自古聖帝明王忠臣烈士各令所在以禮致 グとたうノオノン 及外州府長吏條疏聞奏亡命山澤挾藏軍器百日 受尊號赦文 赦

盈滿而乃累陳丹懇願上鴻名牢讓不從憑誠彌切於戲 戢 予曰光孝敢忘繼志之義以是自島庶無悔焉浮實之名 思齊今百執事謂予曰聖敬敢志湯武日躋之詩謂予曰 命不易賜予元符荷宗社之耿光致寰瀛之小泰干戈載 熙累盛逮予稽古聖孝紹復中與洗滌宿氛廓開昌運 た巴山田二人夫二一宣宗 文思敢忘放熟欽明之典謂予曰和武敢忘保大之功 外元僚文武多士同心協賛而使之然益用兢慙以 賢有云舜何人也我何人也若或讓之不遂予亦敢 風雨順時北狄來賓西戎効職豈予菲薄汔此肅清皆 戒

財 **苟遇支敵即行殺戮捍逆追捕肆意奸凶不懲此流** 除惡并故殺人者雖已傷未死已死更生欺冒老小以 未結正繫囚見徒罪無輕重咸赦除之惟正 金万百月又一老ノナニ 有誠略才術為衆所推者亦任於諸色人中選擇為兩 物者意欲殺傷偶得免者並以殺人法處分不在赦 月三日昧爽已前大辟罪以下已發覺未發覺已結 限關自今以後稍更廣求如有未曾任刺史縣令居 上故殺人及官典犯贓不在此限持仗行劫必欲害 不獲已乗春之澤當務惟新可大赦天下自大中二 犯十惡五逆 士王 無以 原 取

官周之宗盟實惟封建漢之子弟亦謂犬牙廣磐石之宗 每房放一人出身如有父見在朝門蔭可自補身名者即 素宜令本司檢尋譜牒明驗房從貧窮不濟未有身名者 增維城之固當今源流遠大枝葉蕃昌王室子孫不合布 級官吏重加科殿所在逃戶見在桑田屋宇等多是暫 者多是權要及豪富之家悉留諸縣輸納致使單貧之人 たことまして、たして、一宣宗 卻須僱脚般載從今已後須令有車牛豪富人戶送太倉 不在此限應諸州府縣等納稅只合先差車牛優長戶近 州府翰納其留縣並須先饒貧下不濟戶如有達越節

錢如五年內不來復業者任便租個人為主逃戶不在析作狀送縣入案任隣人及無田產人且為個事與納 毀折及欲歸復多已蕩盡因致荒廢遂成閒田從今已後 東西便被隣人與所由等計會推云代納稅錢悉將 有毀除砍伐如有違犯據根口量事情科責并科之限其屋宇桑田樹木等個人逃戸未歸五年內一 有此色勒鄉村老人與所由并隣近等同點檢分明分 熟貸借百姓及軍用欠關借便度支戶部鹽鐵錢 不檢校之罪諸道州府應欠開成三年終已前因水 着ノーニ 所

緊簿書宜並放免三公僕射不常除官每至上時須有聚 斗積欠相承日月旣久百姓或無本戶長吏累又改更全 本色五百貫錢費用之閒不合欠關每聞差配百姓不免 身名踰濫及欠選欠考并準格不合收外其餘委吏部與 重磨勘量收待殘關比遠注擬上已重陽曲江宴會自有 如聞多緣文字差錯所司駁放旣添員關亦可於容若非 **兆府本色錢充不得令府司差配百姓吏部去年冬選人** 會委以府縣即須擾人宜令度支戸部勾當局席便取京 しことを 三、三、三、宣宗 無本色可以支填所司徒有徵索之名終無送納之日虚

例處分仍令御史臺切加察訪天下州府有官吏犯贓皆如有妄配百姓買物不給價錢官吏等並準此同枉法贓 金定全唐文、港ノナニ 史不舉者坐刺史其刺史有贓事發觀察使不舉者連坐 縣令有犯贓事發州司不舉者連坐録事參軍有贓犯刺 數均給府縣不得輒配百姓其所市易並須先給付價錢 擾人從今已後宜冷京兆府先與度支鹽鐵計料據所用 廉使則遞相檢轄功過可明各務清廉悉心為政度支鹽 一物已上除以本色錢物外如有欠少即委度支鹽鐵據 相蒙蔽不肯發明縱有申聞百無一二自今已後管內

寺五所每寺各度五十人每處僧寺三所尼寺二所西 索虚繁簿籍勞於囚繫者復委本司各條流疏理聞奏如 置寺外每街更各添置寺五所東都除先置寺外更添置 決責釋氏之教清淨為宗將悟昏迷實資善誘上都除先 鐵戸部三司茶綱欠買多年積弊斯久家業湯盡無可徵 次定全妻之 长十二宣宗 即與帖州縣徵理如組織平人妄有指射推勘了後重 先將茶縣賣與人及借貸人錢物若文帖分明的知詣 外更各添置寺二所每處置僧寺一所尼寺一所諸道節 荆南楊州潤州汴州太原河中襄州已上八道除先置寺

各度三十人諸道管内州未置寺處宜各置寺二所僧寺 檢爰念農耕是資牛力絕其屠宰須峻科條天下諸州屠 已前添置寺宜並先度僧尼漸漸教化建造寺宇不得遠 見存寺便令修飾充數每寺度五十人數內置尼寺 日 有勞役其僧尼年幾限約并諸條流準會昌六年五月五 度觀察使府除先置寺外更各添置寺一 唐功臣墳墓無子孫者不許砍伐委所在長吏差人巡 赦條事例處分道濟生靈功成克伐晦明雖隔禮敬 所尼寺一所每寺各度三十人五臺山置寺五所如有 所其所置僧寺

文宣公各賜物五十四環衛星陳華夷雲集眷兹勞効俾 轉道宗魯聖禮洽處賓式舉舊章以樂後嗣二王三恪及 次定全唐之一 卷八十二宣宗 禮賓院應在城内蕃客等并節級有賜物澤貴流根宜頒 禄秩義隆追遠用慰孝思常参官及諸州府長吏父母見 有賜物其將士等長行立仗并守營者各賜物有差鴻臚 示恩華神策六軍金吾威遠皇城等諸軍將統軍以下各 兩轉神策六軍金吾威遠皇城將士普恩之外各賜熟兩 及致仕官三品巴上賜爵一 午訪聞近日都不遵守自今已後切宜禁斷內外文武 一級四品已下加一階仍賜熟

官各賜物五十段中書門下儀制官特加一階禮崇養老 應職掌行事官太常修撰儀注禮官并內行事官三品 寶經官書王册官書寶官各加兩階進寶經進冊進中 書令讀冊官各賜一子出身撰册文官賜一子正員官奉 存未有官封者并量與五品致仕官及陷并邑號父母亡 **殁未經追贈者量與追贈官及邑號攝侍中讀寶官攝** 貴推賢爰示優恩以宏教化天下百姓年九十已上 賜爵一級四品已下加 辦禮儀替導押冊押寶級舉身寶冊官各加一階其 アノ・ノ シー・ラノー 階仍並賜勲 一轉鐫造玉

帶澤用薦聲香五岳四瀆宜委本州長吏備禮致祭名 飲定全害文卷八十二宣宗 澤挾藏軍器百日不首復罪如初赦書有所不該者所 所在長吏量加存問孝子 王者之御天下也莫不懋建皇極 勿事先已旌表者亦量加優恤川岳元功聖賢幽賛宜因 具作條例聞奏敢以赦前事相言告者以其罪罪之 大川自古聖帝明王忠臣烈士委所在以禮致祭亡命 日行五百里布告天下咸使聞知主者施行 順宗憲宗諡號赦文 順孫義夫節婦在表門間終身 惟懷永圖先德禮以導

荷每念河湟之壤陷為戎虜之疆百有餘年一失莫復元 慕唐堯恭讓之德常勵漢文菲薄之躬懷乎憂勤懼忝看 宜 繼體守文之重光累洽延關景樂及於憲考文明武英刻 與思十五年今予小子大構是承祗奉宗秘敬若天命遐 稂莠於甫田振威靈於殊俗肅清澄廓庶績其凝實推中 和中將雪前價當振客思方除孽臣未就成業永懷道訓 以仁義有乾坤以道德撫夷夏其高祖太宗經綸之列聖 人用政刑以佐理順四時者並施其化育萬物而各遂其 然後關土開邊遠柔通悅眾享美利斯為大寧我國家 リンノ・ノニー ラン・ 次定全事文、卷八十二宣宗 孝思獲申頒告寰區同兹燉慶且慮蒸黎之困猶疑獄 美譽強我鴻名斯實先聖神 典 結 鼓舞厥庸有功繼志克成仰襲不休聊用無愧臣下欲歸 明發疾心近者祖禰降靈中外協 之冤是用獻歲之辰乃行在宥之典可大赦天下自大中 四年正月 正未結正繫四見徒罪無輕重成赦除之惟犯十惡官 郡連收七關盡復削衽解辦樹領乞降犬羊寬亡億兆 犯入巴贓不在赦 一日昧爽已前大辟罪以下已發覺未發覺 功因顧追尊加諡牢讓乃遂 不煩攻伐不費財 三

稼屡登四夷内附懷仁庶同於行華納諫無愧於從繩 儉 於皇澤朕以菲德獲續不圖常慕唐堯之無為漢文之恭 兢業業不敢荒寧十有四年至於兹矣每懼風俗之未 天將發生萬物也則必假以暄 海也期必滌其瑕穢施以渥恩固頻啟於倖門豈無彰 肝不暇食乙夜觀書萬務靡有不親一夫尤慮失所 役之尚繁政令之未明刑獄之多濫思用克濟浩無津 上荷昊穹垂休宗社深祐下賴股肱 大赦文 ブノンジ **妍潤以風雨王者之在宥** 翊化岳牧懋功

成災念其蕩飄深自憂軫乗此三元之慶宜宏肆告之恩 火色上手と一美人十二宣宗 寇本於為人而惡殺好生良多愍納而又緣河數郡暴水 以下罪無輕重成赦除之唯十惡叛逆故殺人官典犯 此近者藩方之任撫理或乖潭廣宣俶擾相次雖與師 不在此限 大赦天下自大中十三年正月一日昧爽以前大辟罪 不生飛翔遂性日月所燭庶為小康顧予寡昧何以 Ē 贓

欽定全唐文《卷八十三 欽定全唐文卷八十三目錄 懿宗 授夏侯孜平章事制 授温璋王式節度使制 贈何武檢校左散騎常侍制 授杜審權平章事制 勾并年終賦租委御史郎官論奏制 授白敏中宏文館大學士等制 授蕭點荆南節度使制 目録

恤民通商制 授杜審權鎮海軍節度使制授楊收平章事制 授蔣伸畢誠節度使制 授于琮平章事制 以南鹽用兵特恩優恤制 授徐商崔與節度使制 授裴休荆南節度使制 授蔡京領南西道節度使制 欽定全唐文、卷八十三 楊收長流離州制 授蜀王佶西川節度使制 貶楊收端州司馬制 授孔温裕忠武軍節度使制 授高璩剱南東川節度使制 授杜審權河中晉絳節度使制 立普王儇為皇太子勾當軍國制 贬康承訓蜀王傅制 平徐州推恩制 目錄

帝諱淮宣宗長子太和七年生會昌六年封耶王名温 英武明德至仁大聖廣孝皇帝在位十四年年四十 上尊號睿文明聖孝德皇帝十二年正月又上尊號睿三年八月立為皇太子改今名翌日即位咸通三年正 欽定全唐文卷八十三 日客文昭聖恭惠孝皇帝廟號懿宗 調鼎鼐作我股肱出鎮藩垣為予心膂分命雖殊於中 懿宗皇帝 授蕭點荆南節度使制

欽定全唐文八卷八十三意片 艱哉況地控南荆土連全蜀扼五嶺之通道當七澤之要 夫守門下侍郎兼工部尚書同中書門下平章事監修國 津統取所難撫理為重領斯渥命爰輟重臣銀青光禄大 其政事朝野咸推其上才由是道觀明成夢叶先帝爰上 雲之詞藻煥發皇猷邁管樂之智謀掌司邦賦臺閣備 於律度端亮秉志寬和待人而累踐華資克流芳問儷 史上柱國彭城縣開國男食邑三百戶蕭點昴宿垂芒山 外倚才皆屬於安危將相选居文武兼用允兹遇者厥惟 庭表異庸明誕德佐理生賢開濟洞達其泉源進退率由

豈忘蕭曹之業戎垣龍寄更隆羊杜之功勉服殊樂佇宏 巨藩委之碩德尚執中樞之柄仍加右揆之崇相閣良規 安危是緊選任攸難沉朕涉道未明篡圖方始詳求英彦 懿烈可檢校右僕射同中書門下平章事兼江陵尹充荆 庶績速予察承亟獲匡輔疇庸任舊宜乎加思是用擇其 天設四序運寒暑而成歲功國有三台仰朔諸以助君道 南節度管内觀察處置等使 相涉於台階果能經緯嚴麻鎮安夷夏罄乃一心疑 授杜審權平章事制

舉推處禁林振藻屬詞發揮神化道一貫於終始器兼適 於圓方速余建統屢承密旨每多宏益彌見慎修旣彰已 掖茂掌綸之業泊司文柄件以論才全任至公號為得士 岳埒崇澄波量度稟五行之秀氣挺百仞之貞材虹玉潜 守尚書兵部侍郎知制誥上柱國賜紫金魚袋杜審權喬 廿棠康問眾著謳謡秋卿恤刑事無枉橈先皇帝藉其令 得大臣之體自便審華貫踐歷清途南官推起草之工西 欽定全唐文 卷八十三 童号 輝龍泉蘊利文窮騷雅學洞元儒毛玠有古人之風邴吉 思付洪釣至誠感通果獲良輔翰林學士承旨通議大夫

至嚴專總尤切儒林之盛分列掖垣良史之能必歸懲勸 爵位功名並光竹帛垂於不朽豈不務乎可守本官同中 罄其嘉謨推局罔遺於善策用無黨之道行惟一之心使 試之能宜懋殊常之寵是用委兹大政列在中樞為朝廷 將欲比肩上古耀美一時克副旁求允膺茂典特進守司 門下朕初承天序方崇政源屬在輔臣兼領重職況仙宫 之表儀實人臣之極地爾尚竭乃心力作吾股肱借箸必 書門下平章事 たことまたしていたころに一動宗 授白敏中宏文館大學士等制

海深與遠含百川遂彼嚴即付以衡軸動有宏益居然矩 眾推邦傑徇公之操本乎進思並詞奉哨拔高踰列岫學 章事上護軍樂安縣開國男食邑三百戶將伸識藴生知 金紫光禄大夫守中書侍郎兼工部尚書同中書門下平 三百戶夏侯孜村為國楨望貫人表濟物之用彰於重任 門下平章事充集賢殿大學士上柱國熊縣開國男食邑 於深誠銀青光禄大夫守中書侍郎兼刑部尚書同中書 公食邑二千戸白敏中氣稟岳靈道洽王佐致君之志發 徒兼門下侍郎同中書門下平章事上柱國太原郡開國 金好在厚文一卷八十三

奉胥盡出百姓且官有理所安可擅離物犯贓條何須枉 舊以天下賦租年終勾并或刺史入府或縣令上州所科 次定全善と一人美二十二就宗 法從今委知彈御史出使郎官凡緊抵達明具論奏仍不 故主者施行 佩嘉命敏中可兼充太清官使宏文館大學士關餘各如 竹刊削之妙愈 異其討論關必以化成為先副我虚襟成 儀叶心而和平造膝而啟沃式請食議能朔子違關乃知 功信無與讓是用思闡元化真揚清靜之規彌在立言更 勾并年終賦租委御史郎官論奏制

地連山藪境有逋逃武能首率郡兵身及王事既嘉忠盡 至理之英濟羣生普洽之欲載仗舊德期獲我心劍南西 朕恭已實瀛勞誠夢獵將以窩機賢輔羽翮寶臣摩三代 宜示衰贈不惟慰彼漏泉將亦激其羣校 あらるようとうスプロ 頭為條目各遣聞知 川節度副大使知節度使事管内度支營田觀察處置統 下篇概克修航艦以之濟海羽翮可属鵙鵬於是摩王 授夏侯孜平章事制 贈何武檢校左散騎常侍制 ħ

尚書右僕射同中書門下平章事兼成都尹上柱國熊郡 會府徵命兼領臺轄之任再居邦憲之等正色無私當官 開國公食邑三千戸夏侯孜大昴分精維嵩挺秀擅四海 章郎署諫垣休聲夙振東陽故絳惠愛洽聞洎甘棠政成 以多才服道以致身含章而底力經國之用貫百川而不 欽定全唐文《卷八十三懿宗 必舉總征賦以贍國幹山澤而富人美利無遺嘉猷盆親 改其清應物之明體萬象而莫窮其照周踐華列多識舊 之賢俊作中朝之表儀禮樂詩書資其懿範温恭孝愛輔 押近界諸蠻及西山八國雲南安撫等使光禄大夫檢校 五

積是朝著昇於台司內竭謨明外宏體理馳咎變之極 易決疑定計我以爾為神龜肥國救人吾以爾為上 康區夏於戲刀非礪不剖魚非水不行為君誠難得中 庸景化元和須歸鼎鼓是用召於驛騎待以天工重開集 鳳之池再仰問牛之化弼諧萬務師長庶僚亟付機衡俾 南重鎮邊徽多虞爰賴專征以隆外間福星時兩既惠巴 陋周漢之遐蹤克彰為輔之聲允叶有開之契屬者以西 布四體想堅一心勉哉勿疑對揚我休命可尚書左僕射

常侍兼徐州刺史御史大夫賜紫金魚袋温璋稟慶德門 次定合語と、民人一三数宗 彰於題柱累換符竹頗洽謳語前歲問俗苑溪分塵沛邑 度徐泗宿豪等州觀察處置等使朝議大夫檢校左散騎 騰輝儒苑節峻大玉氣敷早春立言鍋韶獲之音行已植 控地數千帶甲逾萬非威能肅物勇可貞師則何以備天 門下豳土名藩懿門奥壤理公劉之故國接煬帝之通津 松筠之操當以懿問列於通班住聲克者於理輪善價益 子之爪牙建上粉之旗鼓斷自朕志果叶愈詣武寧軍節 授温璋王式節度使制

澹泞風雨不渝於達節機謀自契於生知爰命時庸是加 · 一段氣暫舉十連之化全蘇一境之人而並樂鏡貞明黃陂 錯之鋪陳無關旣計高第五踐清途臨事不回當官有守 處置等使銀青光禄大夫檢校左散騎常侍兼越州刺史 想賞乃眷巨屏宜委宏村三禮百工俱樂於題劒鑿門 通者揮自交趾授以制東果能清越水之波瀾掃稽山之 御史大夫上柱國襲魏郡開國公食邑二千戶王式文動 星芒學通與旨早以殊藝射策明廷孫宏之條奏甚精見 禍息在蒲之盗風行鉄鉞之權前浙江東道都團練觀 金与三月ラーオノニ

東顧之憂更樹奇功以酬劇龍璋可檢校禮部尚書兼が 恤間井之疲贏務農訓兵件先南牧之備興利除害永絕 報共貴於登壇疊是思光我無愛情爾宜壯轅門之號令 能吏而懲慢官其有桁業優長理行彰著則宜錫殊常之 門下天賦全才所以登將擅而衛王室國有令典所以舉 州刺史御史大夫充邠寧節度營田觀察處置等使式可 次に上手といくとと一意宗 檢校工部尚書徐州刺史御史大夫充武寧軍節度徐 **宿濠等州觀察處置等使主者施行** 授蔡京嶺南西道節度使制 泗

前而情偽皆分言下而安危可決運深謀而樂敵寧遠裔 富綠網文含組繡識略甚遠智能出羣本於孤貞濟以勤 以成熟適及回車召於便殿數陳之際備得機宜完吾憂 守靈寇犯邊永令退長莫窮根本用爾奇事申予至懷目 恪驊鰡曖蹀向天路以無疑鵰鴞騰凌入雲程而不返早 節擁朱輪而克播清風班資既崇聞望彌重去歲藩臣失 金万人三月ラーオノーニ 以豐藝防於高科周旋宦途振舉官業籍白筆而獲聞峻 卿充荆襄巴南宣慰安撫使上柱國賜紫金魚袋蔡京學 命行不次之思乃崇德報功之旨也朝散大夫權知太僕

資宣撫載圖嘉續用洽優思朕惟濱海而南邕為重地城 欽定全唐文人卷八十三懿宗 侍之首鳥府亞相之等當此寵位宜何如哉於戲特舉徽 臨 動賴爾忠盡遂以月卿之秋俾剛星使之勞爰藉愛通 惠養以取衆示寬嚴以訓兵濟活鄉間保安谿洞貂冠近 任是用改其舊號建以新軍一時之樂千古無對爾其 檢校左散騎常侍兼邕州刺史御史大夫充嶺南西道節 度觀察處置等使散官熟封如故 甌駱俗本剽輕居常則委經略之權有事則付節制 直謂殊渥苟或失職吾何望焉勉於奉公勿以爲喜可

學宗師才為代生智尚物表發言所以與家國修已可以 門下王者分職設官所以理天下外建州牧侯伯內置公 巧詞自退身於有北遂金玉王度丹青憲章三領廉車 七人之官正色三署之內縉紳多士慕高韻以指南貝錦 之科濟代之心已彰於事業奉君之志皆推於友朋抗疏 服華夷自奮藻儒林射策藝圃迎處顏井之列疊昇晁董 卿大夫故野無遺賢朝無闕政俾率土絕愁嘆之音接畛 有富庶之泰當是選也豈可易乎具官裴休嚴郎重德文 授裴休荆南節度使制

割鷄令問果還於振驚委兹文柄任之春聞大星公鑒之 钦定全唐文 卷八十三 懿宗 剖符竹皆著去思之稱共與心 鎭 備傳德疑作人之美版籍繁務筦權劇權成富國之奇 籍爾分憂施吾惠澤蘇彼波察勿倦殷繁玉帳兵符旣 朕以全楚與區荆衡重地湊舟車之都會控湖領之 施安邊之大略先皇帝夢想髦彦勵精理道採以公 雨之師農畝廢荒申明作霖之旨凡所經濟知無不 以化權致百度之惟貞覺三台之益重羌戎擾叛調 人境而獲安三軍推誠而俱感整疑盡臣節何愧 來暮之謡宏圖豈滞 1

替徽烈可檢校尚書右僕射兼江陵尹御史大夫充荆南 節度觀察處置等使散官熟封如故主者施行 樂冠於今日文場武庫當繼蹤於昔賢時作祗服典童 烈垂休當朝敬遵用汝之文爰舉弼予之典雅符不讓 以嚴求匪易殷代稱宗畋獲甚難周王膺命肆朕在位天 自無私翰林學士承旨朝議大夫守尚書兵部侍郎知制 正人於言語侍從之間得亮采惠疇之俊固亦高邁前 下古先聖哲之御天下也莫不勞於擇賢逸於恭已是 授楊收平章事制

憲署每聞其守法曲臺咸著於推公所蒞有聲懸試皆可 若非游藝學該干古而似不能言自鴻飛名場為振班 誥 才彰簡要已治譽於含香業擅精微遂騰輝於視草戒慎 志宏阜益之謨九流旣分百辟斯正嘉戲可舒於前席妙 攸至初終莫渝常懷造膝之忠備見沃心之旨謝安體識 於溽暑挺綠柱於嚴霜行過曾顏道兼夷惠文冠一時而 钦定全害文 卷八十三 懿宗 升以台階便申匡輔之動用 關愛和之重爾其慕伊周之 王儉精能動爲食論所詣居益具瞻之望由是權於禁苑 柱國賜紫金魚袋楊收器茂渾金寶欽大玉瑩清冰

章事散官敷賜如故主者施行 茂典特進行門下侍郎兼吏部尚書同中書門下平章事 無使載筆之發獨稱於姚宋也可守本官同中書門下平 朕垂衣嚮明負展成化內則委輔門之重論道於嚴郎 略尚在於止戈式序三才允歸一 斯在駕戎車而佩相印持廟算以統全軍非我誠臣豈行 仗兼才乃膺选任沉軍稱鎮海地亘長江建置既殊龍劇 則寄垣翰之崇分憂於撫馭是以入掌釣軸出擁麾幢 授杜審權鎮海軍節度使制 德懋乃致主副予知臣

流品並分於涇渭出入五載初終一途每念鴻熟布在青 書首列台席故得葬倫攸敘庶政惟和舉去無差於激揚 名治於時輩擅讓言於諫署留正範於南宫史筆弛而 鶴依松孤鷹上 兼修國史上柱國建平縣開國男食邑七百戶杜審權 簡近者固辭機務動啟懇誠雖懷好德之言難抑好謙之 目之見聞備肺腑之待遇朕初登寶位素挹嘉猷遽行制 謡盡例成於法理先皇帝知其可用召入内庭果能新 張憲綱紊而復正由是如綸不絕刈楚無遺紹蔽带於謳 んないこまれていたことに一説宗 一漢聲三拳之峭壁澄萬頃之清瀾早以重

紀律以臨戎爰得上才乃申並命河中節度使金紫光禄 西道觀察處置等使 使持節潤州諸軍事兼潤州刺史充鎮海軍節度使浙江 智是用輟鹽梅於調鼎賜斧鉞於專征金陵大藩正張新 金牙在厚文一差八十三 幄式兼啟事載踐中樞不移注意之榮無替沃心之道勉 屬選任尤難況地壓夷門鎮雄全晉藉機籌以分間資 休命厥惟懋哉可檢校吏部尚書同中書門下平章 人則持大政以調化源出則建高牙以主兵柄安危 授蔣伸畢誠節度使制

大夫檢校兵部尚書平章事河中尹上護軍樂安郡開國 奏課居高嘉乃懿圖俾遷巨屏以誠萬機所繫微恙忽嬰 委以旌旄虞城與禮讓之風蒲阪肅關河之禁馳聲甚遠 稱染翰之工或繼秉國釣俱播和羹之美以伸輟於台鼎 安威鳳富九苞之彩銀青光禄大夫守兵部尚書平章事 **周愿清途文飛藻麗之詞位蘊名卿之望或互參禁署咸** 公食邑二千戶蔣伸道惟天縱氣實閒生靈芝茂三秀之 川渟祥雲煥五色之章甘雨灑四時之澤而皆備更華貫 一柱國河東縣開國男食邑三百戸畢誠峻同嶽立注若 ・北北京

門下建牙訓戎登車問俗分山河之委寄授旄鉞之寵榮 誠可檢校兵部尚書平章事兼河中尹充河中節度觀察 欽定全唐文《卷八十三書》 處置等使散官熟封如故主者施行 尚書平章事充宣武軍節度汴宋毫等州觀察處置等使 撫俗貞師豈勞戒厲服我嘉命往孚於休伸可檢校工部 國三郡之雄控侯衛中條之險於戲代天理物允屬英奇 用光推戰之勞式示弊草之重是咨爾德作於藩垣總梁 願解傳說之舟却曳鄭崇之履今則復佩相印載防齊壇 授徐商崔璵節度使制

觀察處置等使正議大夫檢校戶部尚書兼河中尹御史 欽定全唐文 卷八十三 懿宗 業優茂累踐清華或視草於內庭或司言於右掖專一 袋崔璵守道堅固行己端方良玉齊貞霜松比操並以才 練觀察處置等使正議大夫檢校禮部尚書兼宣州刺史 商植性忠厚接物通和愛日可觀澄波莫測前宣州都 御史大夫上柱國博陵縣開國子食邑五百戶賜紫金魚 大夫上柱國東莞縣開國子食邑五百戸賜紫金魚袋徐 之美價擅五字之雄詞旣彰東里之能周悉南宫之秩泊 非夫試可之才難膺俞往之命河中晉絳慈隰等州節 圭

以終一 地 築壇作鎮按部化人竭爾忠勤副余倚屬進律當升於重 以整三軍推誠而人必歸心尚廉而吏將自化謹是四者 郊畿錫以麾幢俾之長理於戲惟惠可以安百姓惟威 隰等州節度觀察處置等使散官熟封如故主者施行 與可檢校禮部尚書兼河中尹御史大夫充河中晉絳 州刺史御史大夫充山南東道節度管内觀察處置等使 酬勞宜處於近關乃眷漢濱扼東荆郢顧兹蒲阪俯 方服我新恩勉宏善政商可檢校戶部尚書兼 恤民通商制 邇 円

南管内被鹽賊驅劫處本戶兩稅丁錢等量放二年候收 城壁而首豪各守土疆如聞溪洞之間悉藉嶺北茶藥宜 復後別有指揮其安南溪洞首領索推誠節雖靈宠竊據 安南寇陷之初流人多寄溪洞其安南將吏官健走至海 捕逐其今年四月十八日草贼頭首已抵極法其餘徒黨 利近聞本道禁斷遂絕通商宜令本州任百姓採取不得 今諸道一任商人與販不得禁止往來廉州珠池與人共 門者人數不少宜令宋式李良瑍察訪人數量事救恤安 止約其徐州銀刀官健其中先有逃竄者累降動旨不令 欠日二日二人人二二點宗

各自奔逃所在更勿捕逐 以勤庶幾乎八表用康兆人以泰而西戎敖附北狄懷柔 閔然疚懷顧惟生人罹此愁苦宜布自天之澤俾垂及物 獨惟南靈茲完不率侵陷交趾突犯朗寧爰及舊州亦 金号百月文一卷八十三 攘寇勞我士卒與吾甲兵騷動教元役力飛輓每一 之仁如聞湖南桂州是嶺路係口諸道兵馬網運無不經 罔聲色是縱罔刑戮是濫罔邪佞是惑夙夜悚惕以憂 以寡昧獲承高祖太宗之丕構六載於兹矣罔畋遊是 以南鹽用兵特恩優恤制 軫念

賜錢三萬貫文以助軍錢亦以充館驛息利本錢其江陵 過頓遞供承動多差配凋傷轉甚宜有特恩潭 其間劇準此例興置本錢邕州已西黎舊界內昨因靈寇 互有殺傷宜令本道收拾埋壓量設祭酹徐州風土雄 欽定全害之民卷八十三懿宗 委招攜結聚山林終成註誤況邊方未靜深藉人才宜令 奔逃雖朝廷頻下詔書並令一切不問猶恐尚懷疑懼 甲 西鄂州三道比於潭柱徭配稍簡宜令本道觀察使詳 州勞逸旣均人心甚泰但聞比因罷節之日或有被罪 精強比以制馭乖方頻致騷擾近者再置使額却 扩 桂丽道

之限如官吏妄行威福必議痛刑於戲萬方靡安寧忘於 令三道據所般米石數牒報所在鹽鐵巡院令和雇入海 財委於水次無人看守多至散亡嗟怨之聲盈於道路宜 徐 押送其糧料賞給所司準例處分淮南兩浙海運虜隔 事寧之後即與替代歸還仍令每召滿五百人即差軍 船分付所司通計載米數足外輕不更有隔奪妄稱 訪聞商徒失業頗甚所由縱捨為弊實深亦有般 泗 團練使選揀召募官健三千人赴邕管防戍待嶺外 短般到江口使司自有船不在更取商人 角 人關貨

問益高伏蒲彰正直之名起草著經綸之績由是道光獨 書兵部侍郎充諸道鹽鐵轉運使駙馬都尉上柱國于琮 罪已百姓不足敢怠於責躬用伸欽恤之懷式表憂勤 識洞著蔡文窮典謨居然國華蔚為人瑞自策名筮仕淑 朕每思致理益慕無為苟非正人莫付大柄爰得非熊之 在天垂象常星旣列於三台惟國建官庶政必歸於四輔 乃遵審象之求契予知臣命爾作相銀青光禄大夫尚 授于琮平章事制 . 一数完

一金定全唐文 卷八十三 決鹺府任重爰命專之積弊潛聞其日除嘉庸大彰於歲 關 擢於南宫置之內署果能恪慎相副端真關益實多緊賴 翊付以愛和惟賢式契於周官懋德雅符於殷誥且有成 計咨爾全美為予誠臣愿試如斯愈詣所至是宜升於輔 立業擅自強勇退無傳謙光有裕朕早聞博雅堪備論思 体命往其欽哉可守尚書兵部侍郎中書門下平章事駙 則孤寒不棄用才則滯屈自伸克勉斯言是為良獨敬承 爾其聽焉夫舉直則百度可貞推公則葬倫攸敘進 切泊出貳司寇亟居版圖見君子之盡心表才人之果

馬都尉 袋孔温裕才為國華德擅邦傑心勁而行密神清而氣和 屬於愈詣朝散大夫守尚書戶部侍郎上柱國賜紫金魚 門下朕欲考名實以臨八表明賞罰以正萬機為官擇 欽定全唐文、卷八十三懿宗 武中朝馳聲內署甘泉侍從宣室對數相如之工爾實無 鳳彩葳蕤棲止碧梧之月鶴情瀟洒徊翔紫蓋之煙自步 飛文凌邁於曹劉潔已庶幾於顏閔高標跂望迥立正途 不可廢閥謁郊廟禮之重也設壇場旨之深也稱此劇選 授孔温裕忠武軍節度使制 工

生之貴儀曹憲印用彰賢帥之威勿替令圖往祗休命可 爾前功何煩教令知臣之道不亦至乎玉節形弓已極儒 典式叶至公朕以長葛故城顏州重地兵甲甚銳賦與至 檢校禮部尚書兼許州刺史御史大夫充忠武軍節度陳 殷爰委材能俾膺統馭泊於訓齊師旅潤澤蒸黎等追 許蔡州觀察處置等使散官熟賜如故主者施行 愧河洛神明之政關防惠養之風授以版圖防於蘭省奉 二卿之班列司九典之征徭時論益高官業彌舉宜申茂 貶楊收端州司馬制

當明懲勸之端宣欽觀察使檢校工部尚書宣州刺史兼 何以正身況乎居常伯之崇應藩侯之寄雖顧初終之體 御史大夫楊收始以文章選在有密總歷二歲擢升台衡 次已白田こべまこ二部宗 險詐干端回邪萬狀欺罔彌甚顧慮裝聞謂日月之照臨 私懷盗我名器以官常為貨利之運持僭侈為暴橫之資 謂其發自寒門必有操守行孤貞之道報國用恭儉之理 人臣之節莫重於忠良氏族所修無外於清順二者不立 化時夙夜勵精以酬恩遇而乃貪黷為業溝壑難盈逞其 田產過於四海臺榭擬於中禁而又結連好黨聽任儉

欺心每挾邪言常近利江西置節制之額務在虚兵浙亡 聞縉紳之内物論喧然班列之中怨訟未息朕以寬恕馭 無以追去歲驗其事跡未忍揭揚委以察康冀塞您咎時 或所隱漏意天地之姦慝可以包容殊不知過既不悛孽 **勅端州司馬楊收起自孤寒猥承委任罔思報效惟恣姦** 金気白星ン、光ノナミ 於遐陬式示嚴憲爾惟自棄無或尤人可守端州司馬員 外置同正員仍馳驛發遣 下仁問為心中外臣察悉明此志負我既甚其法何如鼠 楊收長流雕州制

欽定全唐文《卷八十三懿宗 屏王家翰維天邑朕每讀麟趾識詩人之意念犬牙知漢 自古聖帝明王莫不封建子弟錫以茅土龍以珪符件 身所在防押遞送至彼具到日申聞仍路次縣給遞驢 除名配離州充長流百姓縱逢恩赦不在量移之限仍 創造船之名便其盗用兩地推覆按驗分明豈可尚佐專 祖之心者乃坤維實推與壞甲車雄盛貨殖股繁鈴越 頭並熟食 猶居仕籍俾投荒裔用塞機尤中外臣家各體朕意宜 授蜀王佶西川節度使制 无

良將以經邦維彼遠方稱兹公共蜀王信字量宏廣風神 光子翰垣分玉葉之清陰覆銅梁之重地遇資算畫密受 獻之明規象艦知斤繼蒼舒之敏智屬者南歐入寇西蜀 粹和承顏於日域之中稟訓於大庭之内弱不好弄居無 即撲於燎原而權道改張瑟難遵於膠柱由是假爾英略 纏兵瘡淚生縣道之間荆棘繁師徒之役雖英儒鎮禦火 愠容語言皆質於詩書造次不離於孝敬蟻封占兩嗣沛 則南詔憚嚴鍵松維則西戎畏懼是用授親賢而統制命 鈴必使萬井歡聲三軍懷德致蕃夷之稽額革靈貊之

孚而寅畏不怠旣絕意於苑囿固無心於畋遊業業兢兢 孙於惠養招諭不至虐暴滋深竊弄干戈擅攻州鎮將邀 朕以眇身獲承丕業虔恭惕属十一載於兹況荷十七聖 觀察處置統押近界諸靈及西山八國雲南安撫等使 日慎一日休徵問應沙氣潜生南靈將罷於戰爭徐寇忽 同三司兼成都尹剱南西道節度副大使知節度事管内 非心將防水圖在舉長策對揚休命爾其敬之可開府儀 鴻休紹三百年之慶祚將求理本敢忘宵衣雖誠信未 平徐州推恩制 大ジニア

道以後衛節級與遷改職名及向後本軍有職掌員關先 一欽定全唐文 卷八十三季 名銜分析間奏當續有處分如有功效高者仍别具歸本 處分應諸道行營都將以下節級軍將各委本道具功勞 宣力内臣協心選用皆得於良材掃荡總及於周歲絕干 其四面行營立功節度使旣成茂熟宜加酬與並取別勅 黎庶時庸之典在絲髮以無私懋賞之時貴纖毫之必當 紀反常之唯類懲亂臣賊子之姦謀今則已及偃戈重康 難捨腹心之衆謂悖逆之可誅爰集甲兵用校塗炭上將 符印軟恣凶殘不畏神祇自治覆減股肱之臣以罪惡之

欽定全唐文、卷八十三懿宗 營內與中使對面給付不得斬令下吏所由致刻剝 營將士今旣平寧宜令次第放歸本道其賞賜匹段已從 自今後有節級員關且先以行營軍健量村遞相差署 酬征伐之勞迴戈將士賞給匹段各已支給發遣記各令 别動處分至本道後仍令節度使各加犒宴放歸私第便 解甲索弓還鄉復業頒繒帛之賜免差役之征應四面行 於行營軍將中選揀任使以獎勤勞被堅執銳冒涉寒暄 歇泊未用差使如行營人並免差科色役如本廂本將 使押領到軍前仍委四面將帥及本都大將於本道軍 至

是都將至都虞候陣亡者具名街聞奏當與贈官應陣殁 宜令長吏切加勾當準備供給不得令有欠關臨敵 其骸骨平寧之後如有家口親屬取歸本道收葬仍委 者終身並不停給應陣殁將士及百姓衣冠為賊殺害者 弟仍且與給衣糧三年不得停給因戰陣傷損手足水 父兄子弟只有妻女者即委州使厚加贈恤常令存無 力屈殞身須慰殤魂以彰忠節超與職事仍加任使如 士有父兄子弟願從軍者便令本道填替如無父兄子 寸應迴戈將士經歷州縣令供頓遞朝廷並各有處 用 無 如

是謀元惡旣已誅鋤脊從理宜寬宥除雕動親屬及桂 重與改塞勿令暴露兼仰與設祭王者以仁恕為本拯濟 在州縣量事應接發遣如無親屬來取者即令所在州縣 面將帥州縣鎮戍所在要路分明牓示四散招攜仍許 迴戈逆黨為賊脅從及縱因戰陣拒敵官軍招諭不悛懼 欽定全害之一人 卷八十三 懿宗 月内所在陳首并令長吏便放歸本管任自營生不得妄 有攪擾其中如有才藝超異者便收録驅使應徐宿三州 逃走皆非本惡蓋鋒刃所驅今並釋放一切不問委 内收復之後見在軍人百姓除歷勛及桂州逆黨親屬 至 四

舊軍將官吏節級所由旣已釋放並令却還本職驅使用 免其徐宿豪泗等州應合徵秋夏雨稅及諸色差科色役 示殊恩地經戰伐人率流亡間里旣已歸還征賦先宜蠲 升為罷勛腹心謀議凶徒須加刑戮外餘並一切不問應 應行營處百姓田宅產業為賊殘毀燒熱者今平寧之後 奏到續議放免編此失業邱井無人桑柘扮榆鞠為茂草 村攪擾百姓待三年已後量其事力續議條流處分餘側 事已上並從十年蠲放三年州縣所由颠不得妄入鄉 州縣為賊燒劫者令本道檢勘傷殘甚處分析聞奏待

權要並不得妄有侵奪如百姓有家業為賊虜劫荡盡 先有倉審被賊收管者並還本主應行營處鎮砦曾寫打 欽定全唐文人卷八十三懿宗 **俾令百姓有所歸投舍逆從順臣節旣著頒禄册勲官常** 切飢餓者委所在長吏牒逐便供軍使量加給恤如百 斯切應有效順投降軍將官吏節級立功勞雖有酬淺者 及先是本官勾當外餘委所在州縣選擇良吏委之緝 劫占據收復之後須令官吏主將除見在投降將吏官察 及有未沾患者委四面將帥更子細重分析聞奏待到 姓既已招攜並許識認各本主便自收管州縣及官吏 董

祭十室之邑尚有所師遁跡闔門獨行高節拒不義之召 先賢墳墓碑記為人所知被賊發掘即却與掩藏仍量 戈之後如有不願食糧聽從其便亦準前項除兩稅外 與贈即如諸色人內有文學節行因用兵藏避隱跡山 有素忠義不助凶徒樹謀歸國為賊殘害者具名聞奏當 行營將士其中本非舊額官健因緣征討召募差行者 分應募征行已從犒賞還鄉休役務令優容應諸道差赴 一年雜役九原可作千載不忘尚禁樵蘇寧傷邱雅應有 無厭之求熏次莫尋焚林可取徐宿濠泗等州縣管內

撫軍人百姓即問間里疾苦回日具利害分析間奏於戲 欽定全唐文人卷八十三戲宗 朕以四海為家兆人為子一物失所每軫納隍之憂一方 並令搜訪存無自用兵以來那邑皆罹攻劫遠念驚捷 開國公食邑二千戸杜審權韻合黃鍾行貞白壁沖粹孕 開府儀同三司檢校司空守尚書左僕射上柱國襄陽郡 銷氛浸庶平妖氣允治嘉祥遐邇知聞當體予意 未寧常負陷危之戒今元凶就戮逆黨誅夷載戰干戈永 在慰安今遣左散騎常侍劉異兵部即中薛崇等專往宣 授杜審權河中晉絳節度使制 茜

處恬曠不渝處的之故都前蹤尚爾郇瑕之舊地往事依 安以恬澹之德亦在兵閒及腳馬來朝擢居端揆嚴重自 悖起累發猛士挫彼賊鋒廣備糗糧助兹軍食深惟將相 點適時喜愠莫見項罷機務鎮於金陵值淮夷猖狂干戈 買餘二十年鑒裁名流凡幾百輩清切之任無不試重難 之大體頗都文武之全才王導以蕭灑之名不忘戎事謝 之務無不經靜而立名嚴以肅物絕分毫徇己之意秉尺 寸度量之懷貞方飾躬温茂繕性儉不偈下畏以居高語 一歡之秀精明涵列宿之光塵外孤標雲間獨步踐思華

重禄竊韜鈴以效任畜姦惡以事君幾授鐵於戎藩嘗執 然兼以股肱之良為吾腹心之寄改佩相印更握兵符 寇莫戰按甲不前立法未學於穰苴申令頓虧於孫子況 河東節度使康承訓將門瑣質戎壘微才曾不知兵謬膺 尹充河中晉絳節度觀察等使 五教之崇名極一時之盛禮可檢校司徒同平章事河中 **俾護諸將坐覆危巢罄國幣以佐軍頒王爵而賞士而玩** 金以邀道謂其盡節委以專征屬者徐部匪寧敢干紀 フロニチンプをノニ語宗 贬康承訓蜀王傅制

實有慮於關政且無服於怡神恙未少寥日加沒劇萬務 多分全唐文一差八十三 懷寢與思理涉道猶淺導化未孚而攝養乖方寒暑嬰萬 朕守大器之重居兆人之上日慎 效忠彭門洞開爾功何有而負恩已甚贖貨是求切樂苔 女下機始凝望於天誅翻有思於賊至泊元凶自潰元稔 傅分司東都再貶恩州司馬同正馳驛發遣 部伍不戰逼撓無謀人數空多軍威何振使農夫釋来工 時遺患遂逾於積歲爰行國典俾傅戎藩可蜀王 立普王儇為皇太子勾當軍國制 一日如爱如臨肝昃勞

意焉 敬保子子輔成子志各竭乃心以安黎庶布告中外知朕 欽定全唐文人卷八十三懿宗 思齊昔人況梓潼與區賢彦何翔之地也稽玉堂之顯效 皇太子權勾當軍國政事咨爾中外卿士泊於腹心之臣 門下南荆舊俗政美劉公西陝芳陰勲傳召伯我用時傑 假英姿言皆中規動必由禮俾崇邦本允協人心宜立為 第五男普王嚴改名儇孝敬温恭寬和博厚日新令德 蘇綜須有主張考之舊章謀於列碎思聞鴻業式建皇 授高璩剱南東川節度使制

夏官之貴鬱有公望稱於朕心雖密養大猷誠資敏識而 霞之秀色併在高文光映古今羽儀中外頃者名場頡頏 潘陸重價曾顏上流機神粹和道業堅白呈瑞質而鳳離 闥中封章不屈紫微天上詔令無雙王襃真侍從之才徐 邈擅文儒之譽親提史筆首列諫垣俄參起部之榮遂防 早振詞科桐閣從容長專奏記乃升華貫爰近赤墀青瑣 授黃鉞之殊榮輟諸禁林允叶令典翰林學士承旨朝議 丹穴聳孤標而點為青天合珪壁之寒輝咸資逸韻聚雲 大夫守尚書金部侍郎知制誥上柱國賜紫金魚袋高璩

吏安改命廷臣仰嗣仁化按節而去自春祖秋旣以疾 蜀門前以幢蓋劇權委任嚴廊舊德歲久而功懋軍 則宜代用爾之俞往得於食言勉竭公忠用酬倚注予欲 憲閥亞相之秩紅旌放路紫綬登壇當年得之别是殊寵 欽定全唐文人卷八十三懿宗 勉務熟業副子意馬可檢校禮部尚書兼梓州刺史御 人夫充劒南東川節度副使知節度事管内觀察處置等 散官勲 爾美志故授以儀曹八座之等予欲壯爾威聲故帖 圖 一善政亦藉長材眷彼左綿實為雄鎮旁控巴峽高 如故 丰 聞